

**ԳԻՈՐԳԻ ԳԱԽԱՐԻԱ. «ՏՆՏԵՍԱԿԱՆ ԱՃԻ, ԱՇԽԱՏԱՏԵՂԵՐԻ
ՊԱՀՊԱՆՄԱՆ ԵՎ ՆԵՐԴՐՈՒՄՆԵՐԻ ՆԵՐԿՐՄԱՆ ԳՈՐԾՈՒՄ
ԲԻԶՆԵՍԻ ԱԶԱԿՅՈՒԹՅՈՒՆԸ ՆՇԱՆԱԿԱԼԻ Է»**

(Շարունակությունը՝ 6-րդ էջում)

ԿԱՌԱՎԱՐՈՒԹՅՈՒՆ - ԲԻԶՆԵՍ

ԳԻՈՐԳԻ ԳԱԽԱՐԻԱ. «ՏՆՏԵՍԱԿԱՆ ԱՃԻ, ԱՇԽԱՏԱՏԵՂԵՐԻ ԴԱՂԴԱՆՄԱՆ ԵՎ ՆԵՐԴՐՈՒՄՆԵՐԻ ՆԵՐԿՐՄԱՆ ԳՈՐԾՈՒՄ ԲԻԶՆԵՍԻ ԱԶԱԿՈՒԹՅՈՒՆԸ ՆՇԱՆԱԿԱՆ Է»

(Սկիզբը՝ 1-ին էջում)

Երկրում գործող սահմանափակումների արդյունքների մասին եւ հայտարարեց, որ իրականացված միջոցառումների արդյունքում ձեռքբերած համակարակային կայուն իրավիճակը հնարավորություն ընձեռեց կանոնների պահպանմամբ աստիճանաբար վերականգնել զբոսաշրջությունը,

որը երկրի տնտեսական առաջատար ոլորտն է եւ տնտեսական մյուս ճյուղերի խթանիչը: Բացի այդ, վարչապետի հավաստմամբ, երկրում կշարունակվեն տնտեսական կառուցվածքային բարեփոխումները, կավելացվեն կապիտալ ծախսերը, կարագացվի պետական գույքի սեփականացումն ու գործընթացը: Կշարունակվի նաեւ պետական արտադրություն-

ների համակարգային բարեփոխումը, որպեսզի դրանց կառավարումը մերձեցվի կորպորատիվ կառավարման բարձրագույն չափորոշիչներին: Հանդիպմանը վարչապետը գործարարներին վստահեցրեց, որ կշարունակի անձամբ ներգրավվել նրանց համար նշանակալի հարցերի կարգավորման գործընթացին եւ կդառնա երաշխիք օրենքի շրջանակներում

գործարարներին հուզող հիմնախնդիրների կարճ ժամկետում կարգավորման, այդ թվում համակարակվող պայմանավորված ծանր պայմաններում ծրագրված նախագծերի անշեղ իրականացման հարցում: Հանդիպմանը ներկա էին տնտեսության տարբեր ոլորտներում գործող շուրջ 40 խոշոր գործատու կազմակերպությունների ներկայացուցիչներ:

ԿՐԹԱԿԱՆ

ՄԻԽԵԻԼ ԶԻՆԵՆԿԵԼԻ. «ՓԵՏՐՎԱՐԻ 15-ԻՑ ԴԱՍԵՐԸ ԿՍԿՍՎԵՆ ԴՊՐՈՑՆԵՐՈՒՄ, ՈՐՈՆՔ ԿԼԻՆԵՆ ԱՄԵՆԱԱՆՎՏԱՆԳԸ ԲՈԼՈՐԻ ՀԱՄԱՐ»

(Սկիզբը՝ 1-ին էջում)

րոցներում բարեկարգվել են ենթակառուցվածքը, մասնավորապես սահմանգոյցները եւ կրթօջախները լրիվությամբ պատրաստ են լիարժեք ուսումնական գործընթացը վերսկսելու համար:

- Ինչպես գիտեք, փետրվարի 15-ին ուսումնական գործընթացը կվերսկսվի Թբիլիսիի, Քութայիսիի եւ Ռուսթավիի դպրոցներում: Ըստ այդմ, մենք որոշեցինք, որ բոլոր դպրոցներում, հիմնականում դասարանից բարձր աշակերտների համար անհրաժեշտ կլինի շնչադիմակի պարտադիր կրելը: Ինչ վերաբերում է մանրամասն իրահանգներին, ապա վերջիններս արդեն ուղղարկվել են դպրոցներ, եւ բոլոր դպրոցները տեղեկացնելու են ծնողներին: Ամեն ինչ արվում է, որպեսզի պահպանվեն առկա դրական դինամիկան: Ինչպես գիտեք, բացի Թբիլիսիից, Ռուսթա-

վիից եւ Քութայիսիից, բոլոր քաղաքներում արդեն վերսկսվել է ուսումնական գործընթացը: Դասավանդման գործընթացը կշարունակվի դասասենյակներում եւ այստեղ գլխավորը մեր երեխաների առողջությունն է: Բոլոր դպրոցները լիովին պատրաստ են, բոլոր խնդիրները, ներառյալ ենթակառուցվածքը շտկվել են, այդ թվում՝ նաեւ սահմանգոյցի խնդիրները, եւ բժշկական արձանագրության բոլոր մասերը խստորեն պահպանվելու են: Դպրոցը պետք է լինի, կա եւ կլինի անվտանգ տեղ բոլորի համար,- հայտարարեց Միխեիլ Զինցելեի:

Նախարարն անդրադարձավ նաեւ Վրաստանի պետական կրթական հաստատություններում, պետական եւ մասնավոր դպրոցներում իրականացվող ուսուցիչների եւ վարչական անձնակազմի պարտադիր համակարգված թեստավորման թեմային, ճշելով, որ փորձարկման

գործընթացն ամբողջությամբ ապահովվում է պետության կողմից:

Միջգերատեսչական համակարգող խորհրդի որոշման համաձայն, ամբողջ երկրի դպրոցների ուսուցիչների եւ դպրոցական անձնակազմի առնվազն 20 տոկոսի պարտադիր համակարգված «ՊՇՈ» ստուգումն իրականացվում է յուրաքանչյուր երկու շաբաթը մեկ՝ առողջապահության նախարարության հետ մշակված արձանագրության հիման վրա: Իսկ մնացած աշխատակիցները ստուգվում են արագ թեստով:

Պարտադիր թեստավորում ապահովելու համար դպրոցի ղեկավարությունը գրանցում է դպրոցի բոլոր աշխատողներին՝ <https://labour.moh.gov.ge/> հղումով, իսկ բժշկական լաբորատորիաների կողմից անձնակազմի թեստավորման գործընթացն իրականացնում է Աշխատանքի տեսչության վարչությունը:

ԶՈՐԵՔՇԱԲԹԻՆ՝ ՀԵՌԱՎԱՐ ՈՒՍՈՒՑՄԱՆ ԱՌՑԱՆՑ ՀԱՅՏԵՐԻ ԼՐԱՑՄԱՆ-ԳՐԱՆՑՄԱՆ ԶԵՂԱՐԿՄԱՆ ՕՐ

Ինչպես հայտարարեց կրթության փոխնախարար, Էկատերինե Դզբուաձեն, հեռավար ուսուցում ցանկացողների գրանցումը բացվել է երեք մեծ քաղաքներում՝ Թբիլիսիում, Քութայիսիում եւ Ռուսթավիում: Փոխնախարարի խոսքով, ցանկության դեպքում ծնողը կարող է երեխային գրանցել առցանց online.emis.ge կայքում կամ գնալ դպրոց ու դիմել դպրոցի ղեկավարությանը:

Գերատեսչության կողմից տարածած հաղորդագրության համաձայն, առցանց կրթության դիմումի լրացում-չեղարկումը հնարավոր կլինի ամեն չորեքշաբթի, ժամը 00:00-ից 23:59-ը: Այս պահին կայքում կլինի գրանցման բաց դաշտ:

- Կարելու է ճշել, որ հեռավար ուսուցման համար գրանցումը բաց է նաեւ այլ քաղաքների համար: Ծնողները հնարավորություն կունենան յուրաքանչյուր չորեքշաբթի գրանցել իրենց երեխաներին կամ հրաժարվել գրանցվելուց, եւ աշակերտը ուսումնական գործընթացը կշարունակի դասասենյակում,- ասել

է Էկատերինե Դզբուաձեն:

Ուսուցման հեռավար ձեւաչափի ընտրության հնարավորությունը փետրվարի 1-ից տրվել էր Զուգդիդիի, Թելավիի, Ջեստափոնիի, Գարդաբանիի, Փոթիի, Մառնեուլիի, Բաթումիի, Քոբուլեթիի, Գորիի, իսկ փետրվարի 12-ից նաեւ՝ Թբիլիսիի, Ռուսթավիի եւ Քութայիսիի համարային դպրոցների աշակերտներին: Այս պահին օնլայն ուսուցման մոտ 297 767 դիմում է ներկայացվել:



ՔՆՆՈՒԹՅՈՒՆ ՀԱՆՁՆԵԼՈՒ ԻՐԱՎՈՒՆՔ ԸՆԶԵՌՎԵՑ ՆԱԵՎ «ՓՆՏՐՈՂԻ» ԿԱՐԳԱՎԻՃԱԿ ՈՒՆԵՑՈՂՆԵՐԻՆ ԵՎ ՈՒՍՈՒՑԶՈՒԹՅԱՆ ՀԱՎԱԿՆՈՐԴՆԵՐԻՆ

Վրաստանի կրթության եւ գիտության նախարարության Գնահատման եւ քննությունների ազգային կենտրոնի տեղեկատվությամբ, 2021 թվականի ամռանը քննություններ կանցկացվեն նաեւ «փնտրողի» կարգավիճակ ունեցող ուսուցիչների եւ ուսուցչության հավակնորդների համար:

Ազգային կենտրոնի հաղորդմամբ, քննությունների համար գրանցումը կմեկնարկի մարտի առաջին կեսին ինչպես գործող («պրակտիկոս») ուսուցիչների, այնպես էլ՝ «փնտրողի» կարգավիճակ

ունեցող ուսուցիչների եւ ուսուցչության հավակնորդների համար:

Ավելի վաղ ԿԳՄՍ նախարարությունը հայտարարություն էր տարածել, որ ուսուցիչների քննությունները նախա-

տեսվում է անցկացնել հունիս ամսին, ազգային քննությունների մեկնարկից առաջ:

Ինչ վերաբերում է քննությունների անցկացման հստակ ամսաթվին, նախարարության պարզաբանմամբ, այն պայմանավորված կլինի երկրում առկա համաճարակային իրավիճակով եւ Առողջապահության նախարարության հանձնարարականներով:

ՎՐԱՄՏԱՆ - ՀԱՅԱՍՏԱՆ

ՏԻԳՐԱՆ ԱՎԻՆՅԱՆՆ ԸՆԴՈՒՆԵԼ Է ԳԻՈՐԳԻ ՍԱԳԱՆԵԼԻՁԵԻՆ

(Սկիզբը՝ 1-ին էջում)

ցական հարաբերությունների առանցքային բաղադրիչներից է համարել առեւտրատնտեսական համագործակցությունը, որի փոխշահավետ ընդլայնման համար բոլոր անհրաժեշտ պայմաններն առկա են: Այս համատեքստում կարելու է 2019թ.-ին հայվրացական միջկառավարական

հանձնաժողովի գործունեության վերսկսումը:

Չրույցի ընթացքում Տիգրան Ավինյանը ներկայացրեց Ադրբեջանում պահվող հայ գերիների վերադարձի հարցը, որը հանդիսանում է Հայաստանի կառավարության առաջնահերթությունը:


Անդրադարձ կատարվեց «Պարսից ծոց-Սեւ ծով» միջազգային տրանսպորտային

միջանցքին վերաբերող հարցերին եւ դրա շրջանակում՝ նոր հնարավորություններին: Երկու երկրների միջեւ, տրանսպորտային հաղորդակցության բարելավման համատեքստում, քննարկվել է Բավրայի եւ Գոգավանի անցակետերից դեպի Վրաստանի խորք գնացող ճանապարհների վերանորոգման աշխատանքների ընթացքը:

Երկկողմ շփումներն ակտի-

վացնելու եւ զբոսաշրջությունը զարգացնելու նպատակով, անդրադարձ կատարվեց նույնականացման քարտերով սահմանների հատման հնարավորությանը:

Կողմերը քննարկեցին «Հյուսիս-հարավ» էներգետիկ միջանցքի ծրագիրը, դրա ուղղությամբ արդեն իսկ կատարված աշխատանքները, ինչպես նաեւ նախատեսվող քայլերը:



ԱՄՆ

ՆԱԽԿԻՆ ՆԱԽԱԳԱՀԻ ԻՄՊԻԶՄԵՆԹԻ ԳՈՐԾԸՆԹԱՑԸ ՍԱՀՄԱՆԱԴՐԱԿԱՆ Է

Ամերիկայի Միացյալ Նահանգների Սեմատը, 56 կողմ, 44 դեմ ձայների հարաբերակցությամբ, Դոնալդ Թրամփի իմպիչմենթի գործընթացը ճանաչել է սահմանադրական:

Հատկանշական է, որ վեց «հանրապետականներ» դեմ քվեարկեցին Թրամփին:

Նախկին նախագահը մեղադրվում է հունվարի 6-ին, Կապիտոլիումի իրադարձությունների շուրջ ապստամբություն հրահրելու մեջ: Մեղադրող կողմը ներկայացնում են ինը «դեմոկրատ» կոնգրեսականներ:

Դոնալդ Թրամփը մեղավոր կհամարվի ձայների երկու երրորդով, ինչը նշանակում է, որ անհրաժեշտ կլինի առնվազն 17 «հանրապետական» կոնգրեսականի ձայն:

Այն դեպքում, եթե Սենատը Դոնալդ Թրամփին մեղավոր ճանաչի, ապա հաջորդ քայլը կլինի արգելել նախկին նախագահին զբաղեցնել ցանկացած պաշտոն, որի համար բավարար է Սենատի մեծամասնության համաձայնությունը:

Դոնալդ Թրամփը պատմության մեջ մտավ որպես ԱՄՆ-ի միակ նախագահ, որը Ներկայացուցիչների պալատում երկու անգամ իմպիչմենտի ենթարկվեց:

ՌՈՒՍԱՍՏԱՆ

ԵՎՐԱՄԻՈՒԹՅԱՆ ՀԵՏ ՀԱՐԱԲԵՐՈՒԹՅՈՒՆՆԵՐԸ ԽԶՎՈՒՄ ԵՆ

Մոսկվան պատրաստ է ԵՄ-ի հետ հարաբերությունների խզման, եթե այն տեղի ունենա Եվրամիության նախաձեռնությամբ:

Ինչպես ընդգծել է Ռուսաստանի ԱԳՆ-ի պաշտոնական ներկայացուցիչ Մարիա Զախարովան, հարաբերությունների խզման պատրաստականությունը «հաստատման ընտրությունը չէ»:

- Մեր օրակարգը փոխգործակցությունն ու համագործակցությունն է: Մենք քանիցս տարբեր փաստարկներ ենք ներկայացրել իօգուտ այդ փոխգործակցության, որը կարող էր զարգանալ՝ թե՛ համաշխարհային խնդիրների լուծման շուրջ ԵՄ-ի հետ միավորվելով, թե՛ Եվրամիության անդամների հետ երկկողմ հիման վրա: Բայց, ցավոք, մենք չափ ագրեսիվ ինտերաբանություն ենք լսում,- ասել է Զախարովան:

ԵՎՐԱՄԻՈՒԹՅՈՒՆ

ԾՐԱԳՐՎՈՒՄ Է 5,2 ՏՈԿՈՍԻ ՏՆՏԵՍԱԿԱՆ ԱՃ

Եվրահանձնաժողովը (ԵՀ) 2021 թվականին համաշխարհային տնտեսության վերականգնման սպասումները բարձրացրել է մինչեւ 5,2 տոկոս՝ աշնանային կանխատեսման 4,7 տոկոսի համեմատ:

Եվրահանձնաժողովը բարելավել է նաեւ 2020 թվականին համավարակի պատճառով անկման գնահատումը մինչեւ 3,4 տոկոս, աշնանը սպասված 3,8 տոկոսի փոխարեն: 2022 թվականի համար կանխատեսումը բարձրացվել է աննշան 3,7 տոկոսից մինչեւ 3,8 տոկոս:

Նավթի միջին գինը 2021 թվականին կկազմի մեկ բարելի դիմաց 54,2 դոլար, իսկ 2022 թվականին՝ մեկ բարելի դիմաց 51,9 դոլար: Եվրահանձնաժողովը ընդգծում է, որ կանխատեսումը կազմվել է ՕՊԷԲ+-ի եւ կարտելի կազմի մեջ չմտնող պետությունների կողմից հանույթի կրճատման եւ 2020 թվականի վերջին նավթի պահանջարկի աճի վերականգնման հաշվառմամբ:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՕՆԼԱՅՆ ՀԱՆԴԻՊՈՒՄ

ՔՆՆԱՐԿՄԱՆ ԹԵՄԱՆ ՏԱՐԱԾԱՇՐՋԱՆԱՅԻՆ ԵՎ ՏԵՂԱԿԱՆ ՄԱՐՏԱՀՐԱՎԵՐՆԵՐՆ ԷԻՆ

Փետրվարի 11-ին, Վրաստանի վարչապետ Գիորգի Գախարիան, օմլայն հանդիպման ընթացքում, NDI նախագահ Դերեկ Միտչելի հետ քննարկեց Վրաստանի եւ ԱՄՆ-ի ազգային ժողովրդավարական ինստիտուտի հաջող համագործակցությանը, տարածաշրջանային եւ տեղական մարտահրավերներին առնչվող հարցեր:

Զրույցը հիմնականում վերաբերում էր Վրաստանի կառավարության եւ ԱՄՆ-ի ազգային ժողովրդավարական ինստիտուտի վերջին համագործակցությանը, ներառյալ ինստիտուցիոնալ մակարդակում:


Վարչապետը կարեւորեց առկա գործընկերության հետագա խորացումը: Գիորգի Գախարիան խոսեց տարածաշրջա-

նում առկա մարտահրավերների եւ Վրաստանի դերի, ինչպես նաեւ տեղական համատեքստում կարեւոր զարգացումների մասին:

Հանդիպմանը նշվեց, որ Վրաստանի կառավարության եւ NDI-ի հաջող համագործակցության դինամիկան կշարունակվի, եւ ապագայում կյանքի կոչվեն մի

շարք կարեւոր համատեղ ծրագրեր:

Հանդիպմանը մասնակցում էր Վրաստանի կառավարության վարչակազմի ղեկավար Կախաբեր Քեմոկլիձեն:



ԼԵՎԱՆ ԻՈՍԵԼԻԱՆԻՆ՝ ԽՈՐՀՐԴԱՐԱՆԻ ՓՈԽՆԱԽԱԳԱՀ

Խորհրդարանական ընդդիմության պատգամավոր, «Քաղաքացիներ» կուսակցության անդամ Լեւան Իոսելիանին ընտրվել է Խորհրդարանի նախագահի տեղակալ:



Իոսելիանիի կողմից Խորհրդարանի փոխխոսնակի պաշտոնն զբաղեցնելուն քվեարկության ընթացքում աջակցել է 87 պատգամավոր:

Այժմ Խորհրդարանի նախագահն ունի 5 տեղակալ՝ առաջին տեղակալ Գիա Վոլսկի, տեղակալներ Կախա Կուժավա, Գիորգի Կախիանի, Ավթանդիլ Էնուքիձե եւ Լեւան Իոսելիանի:

ՆՇԱՆԱԿՎԵԼ ԵՆ ՆՈՐ ՆԱՀԱՆԱԳԱՊԵՏԵՐ ԵՎ ՆՐԱՆՑ ԿՈՐՐԻՒՆԱՏՈՐԸ

Վրաստանի վարչապետ Գիորգի Գախարիայի կարգադրությամբ, Գուրիայիում նախագահվել է նշանակվել իրավաբան Գիորգի Սախոկիան: Շիդա Քարթլիի տարածաշրջանը կղեկավարի Մամուկա Սագարեիշվիլին, ով 2020 թվականի ապրիլից Սամցխե-Ջավախեթիի ոստիկանության դեպարտամենտի տնօրենն էր: Ռաճա-Լեչխու-մի-Ջեմո Սվանեթիի նախագահվել է նշանակվել Պարմեն Մարգվելաձեն, որը 2013-17 թվականներին զբաղեցնում էր այդ պաշտոնը: Սցխեթա-Մթիանեթիի տարածաշրջանի ղեկավար է նշանակվել մասնագիտությամբ իրավաբան Դավիթ Նոզաձեն:

Վարչապետի կարգադրությամբ Կոնստանտին Անանիաշվիլին նշանակվել է կառավարության աշխատակազմին առընթեր տարածաշրջանային կառավարման եւ համակարգման ծառայության պետ: Մինչ այդ նա Աջարիայի ոստիկանության դեպարտամենտի տնօրենն էր:

ԽՈՐՀՐԴԱՏՎՈՒԹՅՈՒՆՆԵՐ ԸՆՏՐԱՎԱՆ ԲԱՐԵՓՈԽՈՒՄՆԵՐԻ ՇՈՐՋ

Ընտրական բարեփոխումների շուրջ Խորհրդարանում ընթանում են աշխատանքային խմբի հանդիպումները: Այս ձեռնարկով հանդիպմանը մասնակցում են հասարակական կազմակերպությունների, դիվանագիտական կորպուսի եւ ԿԸՀ-ի ներկայացուցիչները:

Քննարկման հիմնական թեման, ընտրական բարեփոխումների իրականացումն է եւ այն համաձայնագիրը, որը ստորագրվել է «Վրացական երազանք» եւ «Քաղաքացիներ» կուսակցությունների միջեւ: Բարեփոխումը նախատեսում է Կենտրոնական ընտրական հանձնաժողովի նոր աշխատակազմի համալրում, ԿԸՀ-ի նոր նախագահի ընտրություն եւ անցում քվեարկության էլեկտրոնային ընթացակարգին:

ՎՆԱՍԱԿԱՐ ԿԱՐՏՈՑԻԸ ՎԵՐԱԴԱՐՁՎԵԼ Է ԱՐՏԱՀԱՆՈՂ ԵՐԿԻՐ

Վրաստանի ֆինանսների նախարարության եկամուտների ծառայության «Սարփի» մաքսակետով Թուրքիայից Վրաստան է մուտք գործել 24.500 կիլոգրամ կարտոֆիլով բեռնված ավտոտրանսպորտային միջոց:

Ստուգմամբ հաստատվել է կարանտինային վնասատուի (Synchytrium endobioticum) առկայությունը:

Վրաստանի կառավարության որոշման համաձայն, նշված ապրանքը վերադարձվել է արտահանող երկիր:

200 ԼԱՐԻ ԾՈՒԹՅԱՆ ՀԱՆՍՈՒՆԵՐԻ ՀՐԶԱՆԱԿՆ ԸՆԴԱՅՆՎՈՒՄ Է

Վրաստանի կառավարության 2020 թվականի մայիսի 4-ի որոշման մեջ իրականացված փոփոխությունների համաձայն, եթե ամբողջ 2020 թվականին աշխատել է որպես Խորհրդարանական ընտրությունների ընտրատեղամասային հանձնաժողովի անդամ ու այս ընթացքում Կենտրոնական ընտրական հանձնաժողովի կողմից ստացել է աշխատավարձ, նա կարող է գրանցվել ամենամսյա 200 լարի օգնություն ստանալու համար:

Այսինքն, ԿԸՀ-ից աշխատավարձ ստանալու փաստը չի խանգարի ամօին գրանցվել փոխհատուցում ստանալու համար, եթե վերջինս բավարարում է փոխհատուցման նախնական պահանջները:

Փոփոխությունների համաձայն՝ այն ամօինք, որոնց գործատուն մահացել է, կամ աշխատավայրը փակվել է, կարող են ինքնուրույն ներկայացնել հայտը: Գրանցումը հնարավոր է մինչեւ փետրվարի 22-ը:

6 ամիս շարունակ 200 լարի փոխհատուցում ստանալու գրանցումը շարունակվում է: Այսօրվա դրությամբ, օգնությունը ստանալու համար դիմել է 11 900 անձ:

Հիշեցնենք, որ, Եկամուտների ծառայության տեղեկատվությամբ, օգնությունը ստանալու համար գործատուն

մինչեւ ամեն ամսվա 20-ը ներառյալ, վեց ամիս շարունակ պետք է ներկայացնի այն ամսանց ցուցակը, ովքեր կբավարարեն հետեւյալ չափանիշները:

* Աշխատում էին 2020 թվականի հունվարից 2020 թվականի նոյեմբերը ներառյալ, այս ժամանակահատվածում ցանկացած երկու կամ ավելի շատ ամիսների ընթացքում ստացել են աշխատավարձ (ինչը հաստատվում է մինչեւ 2021 թվականի հունվարի 1-ը ներկայացրած հաշվետվություններով):

* 2020 թվականի դեկտեմբերից մինչեւ 2021 թվականի փետրվարը ներառյալ, մեկ կամ երկու ամիս չի ստացել աշխատավարձ (այդ թվում՝ աշխատանքի դադարեցման պատճառով):

ՍԱՄՑԻՆԵ - ՋԱՎԱԽԵԹԻ

ԴԱՄԱԼԱՅՈՒՄ ՏԱՐԱԾԱՇՐՋԱՆԻ ՂԵԿԱՎԱՐՆԵՐԸ ՀԱՆԴԻՊԵՑԻՆ ԲՆԱԿՉՈՒԹՅԱՆԸ



Փետրվարի 12-ին, Սամցխե-Ջավախեթիի տարածաշրջանի պետական լիազոր-նախագահվել է Բեսիկ Ամիրանաշվիլին, փոխնախագահվել է Շալվա Բերձենիշվիլին, Ասպինձայի մունիցիպալիտետի քաղաքապետ Ռոստոմ Սագրաքվելիձեն եւ տեղական ինքնակառավարման ներկայացուցիչները հանդիպում ունեցան Ասպինձայի մունիցիպալիտետի Դամալա գյուղի բնակիչների հետ:

Բնակչության ներգրավման ուժեղացման եւ ամօինջականորեն նրա կողմից առաջնահերթությունների ընտրության եւ գյուղում առկա հիմնախնդիրների կարգավորման մասին:

մալայից մունիցիպալիտետի սակրեբուլոյի մեծամասնական պատգամավոր Էմին Բալոյանը:

Իշխանության ներկայացուցիչները եղան գյուղի ակումբում, որի վերանորոգմունը ծրագրվել է գյուղի աջակցության ծրագրով:

Նկարում.- (աջից) Մարտին Կարեկցյանը, Էմին Բալոյանը, Ռոստոմ Սագրաքվելիձեն, Բեսիկ Ամիրանաշվիլին եւ Շալվա Բերձենիշվիլին

Հանդիպմանը իշխանության ներկայացուցիչները խոսեցին գյուղի աջակցության ծրագրի իրականացման գործում

Հանդիպմանը ելույթ ունեցան Դամալայում Ասպինձայի քաղաքապետարանի լիազոր Մարտին Կարեկցյանը, Դա-

ԱՆԱԼՔԱԼՔԻ ՄՈՒՆԻՅԻՊԱԼԻՏԵՏԻ ՍԱԿՐԵԲՈՒԼՈՅՈՒՄ «ՎՐԱՍՏԱՆԻ ՀԱՅՐԵՆԱՍԵՐՆԵՐԻ ԱՆՅԱՆՍ» ԽՄԲԱԿՅՈՒԹՅՈՒՆԸ ԿԱԶՄԱԼՈՒԾՎԵՅ, ՍՏԵՂԾՎՈՒՄ Է «ՎՐԱՅԱԿԱՆ ԵՐԱԶԱՆԸ - ԱԳՐԱՐԱՅԻՆՆԵՐ» ՆՈՐ ԽՄԲԱԿՅՈՒԹՅՈՒՆ

«Վրաստանի հայրենասերների ալյանս» կուսակցությունից Ախալքալաքիի սակրեբուլոյի պատգամավոր ընտրված Սամվել Պետրոսյանը թողեց «Հայրենասերների» խմբակցությունը եւ սակրեբուլոյում «Երազանք» պատգամավորի հետ ստեղծում է նոր «Վրացական երազանք-ագրարայիններ» խմբակցությունը: Այս մասին տեղեկացնում է Ախալքալաքիի JNews կայքը:

Կայքի տեղեկատվությամբ, Սամվել Պետրոսյանը «Վրաստանի հայրենասերների ալյանս» խմբակցությունը լքել էր 2020-ի նոյեմբերին: Այս խմբակցությունում կար երեք պատգամավոր. նախագահ՝ Զաքար Զաքարյան, փոխնախագահ՝ Սիմոն Մանանյան եւ քարտուղար՝ Սամվել Պետրոսյան: Սամվել Պետրոսյանի կողմից խմբակցությունը լքելուց հետո, Սիմոն Մանանյանը նույնպես լքեց խմբակցությունը: «Վրաստանի հայրենասերների ալյանս» խմբակցությունը կազմալուծվեց, քանի որ խմբակցությունը պետք է ունենա առնվազն երեք պատգամավոր:

Սամվել Պետրոսյանը եւ Սիմոն Մանանյանը, Պետենա գյուղից ընտրված «Վրացական երազանք» կուսակցության մեծամասնական պատգամավոր Զաուր Պակսաձեի հետ միասին,

ստեղծել են նոր կուսակցություն, որը կոչվում է «Վրացական երազանք-ագրարայիններ»:

Ինչպես տեղեկացրին Ախալքալաքիի մունիցիպալիտետի սակրեբուլոյից նոր խմբակցությունն արդեն գրանցված է: Խմբակցությունում կա երեք պատգամավոր: Խմբակցության նախագահը Զաուր Պակսաձեն է, խմբակցության տեղակալը՝ Սիմոն Մանանյանը, իսկ քարտուղարը՝ Սամվել Պետրոսյանը:

Արդեն լուծարված «Վրաստանի հայրենասերների դաշինք» խմբակցության նախագահ Զաքար Զաքարյանը չմեկնաբանեց խմբակցության լուծարումը ու նոր խմբակցության ստեղծումը: Նա նույնպես մտադիր է ստեղծել նոր խմբակցություն, բայց հրաժարվեց մանրամասնել:

ՎՐԱՍՏԱՆ - ՌՈՒՍԱՍՏԱՆ



ԶՈՒՐԱՔ ԱՐԱՇԻՉԵ. «ՎՐԱՍՏԱՆԸ ՊԱՏՐԱՍ Է ՎԵՐՍԿՍԵԼ ՌՈՒՍԱՍՏԱՆԻ ՀԵՏ ՍԱՀՄԱՆՆԵՐԻ ԲԱՑՄԱՆ ՀԱՐՑՈՎ ԲԱՆԱԿՑՈՒԹՅՈՒՆՆԵՐԸ»

Ինչպես հայտարարեց Ռուսաստանի հետ հարաբերությունների կարգավորման հարցով Վրաստանի վարչապետի հատուկ ներկայացուցիչ Ջուրաբ Աբաշիձեն, Վրաստանն ու Ռուսաստանը կարող են քննարկել ցամաքային սահմանի բացման հարցը երկու երկրներում համավարակային իրավիճակի կարգավորումից հետո:

Կով, 2020 թվականի մարտի 16-ից, Վրաստանն առանձին բացառություններով փակեց բոլոր երկրների հետ ցամաքային սահմանը՝ թույլատրելով միայն բեռնափոխադրումները: Մասնավորապես, սահմանը հատելու իրավունք վերապահվեց Վրաստանի քաղաքացիներին՝ հայրենիք վերադառնալու դեպքում: Վրաստանում գործող կանոնների համաձայն, հայրենիք վերադարձած քաղաքացիներն անցնում են այժմ արդեն եռօրյա կարանտին: Խիստ վերահսկողություն է իրականացվում նաեւ տարանցիկ փոխադրումներ իրականացնող վարորդների նկատմամբ:

- Եթե կորոնավիրուսի հետ կապված իրավիճակը կայունանա, մեզ կհաջողվի խոսել սահմանի բացման մասին, բայց այս պահին, դա միայն հույս ու ցանկություն է: Սահմանը փակվել էր համավարակային իրավիճակով

պայմանավորված էլ հենց իրավիճակը թույլ տա, մենք մեր կողմից պատրաստ ենք խոսել կոնկրետ քայլերի մասին: Թեպետ կրկնում են, ամեն ինչ կախված է համավարակային իրավիճակից: Հիշեցնեն, որ սահմանը փակվել էր վրացական եւ ռուսական երկկողմ որոշմամբ: Այլ պատճառներ չկային,- պարզաբանեց Ջուրաբ Աբաշիձեն եւ հավելեց, որ սահմանների բացման վերաբերյալ ռուսական կողմից առաջարկություն դեռ չի եղել:

Ինչպես հայտարարեց Ջուրաբ Աբաշիձեն, մարտի կեսերին Պրահայում կկայանա իր հանդիպումը ՌԴ պետությանի սենատոր, Վրաստանի հետ բանակցություններում Ռուսաստանը ներկայացնող Գրիգորի Կարասինի հետ:

- Մենք նույնքերին անցկացրինք օնլայն հանդիպում, ուր նշվեց, որ հաջորդ հանդիպումը անց է կացվելու 2021 թվականի առաջին եռամսյակում: Կոնկրետ ժամկետի մասին չենք խոսել, թեեւ, կարծում են, այն կկայանա փետրվարին կամ մարտին: Օրակարգ կներառվեն առեւտ-

րատնտեսական կապերի, տրանսպորտային եւ հումանիտար հարցերը: Կարծում ենք, որ այդ ժամանակի համար կսահմանվեն թեմաներին առնչվող կոնկրետ հարցեր,- ընդգծեց Ջուրաբ Աբաշիձեն:

Հիշեցնենք, որ Վրաստանի եւ Ռուսաստանի միջեւ արդեն շատ տարիներ է, ինչ երկխոսությունն իրականացվում է ժնեւի միջազգային բանակցությունների շրջանակներում եւ երկու երկրների դիվանագետները հանդիպում են Պրահայում: Կորոնավիրուսի համավարակով պայմանավորված, ժնեւի բանակցությունների եվրամիության, ՄԱԿ-ի եւ ԵԱՀԿ-ի համաձայնագրերին ընդունեցին որոշում բանակցությունների 51-րդ փուլի հետաձգման վերաբերյալ: Այն անց էր կացվելու մարտի 31-ապրիլի 1-ին: Ընդունված որոշման համաձայն, այն կանցկացվի ավելի ուշ:

Նշենք, որ ժնեւում կողմերը քննարկում են քաղաքական հիմնախնդիրները, իսկ Պրահայում կայացած հանդիպումների օրակարգում առեւտրատնտեսական, տրանսպորտային հաղորդակցության, հումանիտար հիմնախնդիրների հետ կապված հարցերն են: Վերոնշյալ բանակցությունների գլխավոր արդյունքը 2013 թվականին վրացական ապրանքների նկատմամբ սահմանված արգելքի վերացումն էր:

ՌՈՒՍԱՍՏԱՆԸ ՊԱՏՐԱՍ Է ՆԵՐԳՐԱՎԿԵԼ ՎՐԱՍՏԱՆԻ ՓՈԽՀԱՏՈՒՑՈՒՄ ՏՐԱՄԱԴՐԵԼՈՒ ԲԱՆԱԿՑՈՒԹՅՈՒՆՆԵՐԻՆ

Ինչպես հայտարարեց Վրաստանի արդարադատության նախարար Գոչա Լորթքիփաճիձեն, Եվրամիության նախարարների կոմիտեի հետ ակտիվ աշխատանքի արդյունքում, Ռուսաստանը համաձայնել է ներգրավվել Վրաստանին հանձնվելիք փոխհատուցման հարցի քննարկմանը:

Այդ մասին նա հայտարարեց խորհրդարանում 2008 թվականի օգոստոսյան պատերազմի գործով Մարդու իրավունքների եվրոպական դատարանում պետական շահերի պաշտպանության համար Վրաստանի կառավարության կողմից կատարված աշխատանքի հաշվետվությունը ներկայացնելիս:

- Այդ հարցում առկա է որոշակի առաջընթաց: Ռուսաստանը կատարման փուլում չի հրաժարվում եւ պատրաստ է ներգրավել փոխհատուցման հանձնման հարցի կարգա-

վորման գործընթաց, բնականաբար, Եվրոպայի խորհրդի միջնորդությամբ: Գուցե Ռուսաստանի դիրքորոշման վրա ազդել է ընթացիկ տարվա հունվարի 21-ի որոշումը: Բոլոր դեպքերում, դա հաստատում է հարցի նկատմամբ մեր մոտեցման արդարությունը: Նախարարների կոմիտեի ակտիվ աշխատանքի արդյունքում կարողացանք հասնել Ռուսաստանի համաձայնությանը՝ ներգրավվել փոխհատուցման հանձնման հարցի քննարկմանը: Դա նշանակալի առաջընթաց է,- հայտարարեց Գոչա Լորթքիփաճիձեն:

ԻՆՉ ԳՆԵՑ ԵՎ ՎԱՃԱՌԵՑ ՎՐԱՍՏԱՆԸ ՌՈՒՍԱՍՏԱՆՈՒՄ 2020 ԹՎԱԿԱՆԻՆ

2020 թվականին Ռուսաստանը դարձավ Վրաստանի առեւտրական խոշորագույն գործընկեր երկիրը:

Հաշվետու ժամանակաշրջանում Ռուսաստանի հետ առեւտրաշրջանառությունը կազմեց 1,328 միլիարդ ԱՄՆ դոլար: Շրջանառության գումարի հաշվառմամբ, առեւտրական գործընկեր երկրների առաջին տասնյակում Ռուսաստանը զբաղեցնում է երկրորդ տեղը:

Վրաստանի վիճակագրության ազգային ծառայության տվյալներով, հաշվետու ժամանակաշրջանում Ռուսաստան արտահանված արտադրանքը նվազել է 11,2, իսկ Ռուսաստանից ներկրումը՝ 9,2 տոկոսով: Ինչ վերաբերում է Ռուսաստանից ներկրվող եւ Ռուսաստան արտահանվող

վրացական արտադրանքին, ապա Վրաստանից Ռուսաստան 2020 թվականին արտահանվեց 119 524 000 դոլարի խաղողի բնական գինի, 108 523 700 դոլարի ֆերրոհամաձուլվածքներ, 43 943 100 դոլարի հանքային ջրեր, 31 276 200 դոլարի սպիրտային ալկոհոլ խմիչքներ, 19 940 800 դոլարի մրգեր եւ հատապտուղ: Ռուսաստանից Վրաստան է ներկրվել 130 367 000 դոլարի նավթամթերք, 107 354 600 դոլարի հատիկաբույսեր, 47 363 600 դոլարի ածխաջրածիններ, 41 011 000 դոլարի ռուսական ձեթ եւ 28 756 000 դոլարի հեռախոսասարքեր:

ԵՐԲ ԿԳՈՐԾԻ ՎՐԱՍՏԱՆ - ՌՈՒՍԱՍՏԱՆ ՄԱՔՍԱՅԻՆ ՀԱՄԱՁԱՅՆԱԳԻՐԸ

Ռուսաստանը պատրաստ է Վրաստանի հետ աշխատել մաքսային վարչարարության, առեւտրի եւ տարանցիկ բեռնափոխադրումների հարցով: Այդ մասին հայտարարեց Ռուսաստանի արտաքին գործերի փոխնախարար Անդրեյ Ռուդենկոն:


Հիշեցնենք, որ Վրաստանը եւ Ռուսաստանը, համապատասխանաբար, 2017 եւ 2018 թվականներին ստորագրեցին բեռների մոնիտորինգի իրականացման վերաբերյալ համաձայնագիր՝ շվեյցարական Societe Generale de Surveillance SA (SGS) ընկերության հետ: Այն պետք է վերահսկի Աբխազիայի Փսոու գետով, Սամաչաբլայի Ռոքի թունելով եւ Դաբեգի Վերին Լարս հատվածով, այսինքն՝ պաշտոնապես գործող Վրաստան-Ռուսաստան սահմանային անցակետերով տարվող բեռները:

Ռուսաստանի ԱԳՆ փոխնախարարի պարզաբանմամբ, 2011 թվականին, Վրաստանի եւ Ռուսաստանի կառավարությունների կողմից ստորագրած մաքսային վարչարարության եւ առեւտրական ապրանքների մոնիտո-

րինգի վերաբերյալ հիմնական սկզբունքների մեխանիզմի վերաբերյալ համաձայնագիրը դեռեւս ուժի մեջ չի մտել առկա տարածայնությունների պատճառով, որոնց քննարկումն իրականացվում է վերոնշյալ համաձայնագրի կատարման վերահսկողության համատեղ կոմիտեի եւ չկարգավորված հարցերով դրա աշխատանքային խմբի շրջանակներում:

Հիշեցնենք, որ Վրաստանի եւ Ռուսաստանի միջեւ դիվանագիտական հարաբերությունները խզված են: Երկու երկրների միջեւ երկխոսությունն իրականացվում է ժնեւի բանակցությունների եւ 2012 թվականից Պրահայում անցկացվող բանակցությունների շրջանակներում: Երկու երկրների հարաբերությունները վրացական կող-


մից խզվեցին նրանից հետո, երբ Մոսկվան 2008 թվականի օգոստոսի 26-ին ճանաչեց Աբխազիայի եւ, այսպես կոչված, Հարավային Օսեթիայի անկախությունը:



Խորագրի նյութերը պատրաստեց ԱՐԵՎԻԿ ՄԱՆՈՒԿՅԱՆԸ

ՈԼՈՐՏ

ԱԳՐՈՔԱՐՏԵՐԻ ՄՏԱՑՄԱՆ ՀԱՅՏԱԴԻՄՈՒՄԻ ՆԵՐԿԱՅԱՑՆԵԼՈՒ ԺԱՄԿԵՏԸ ԵՐԿԱՐԱԶԳՎԵԼ Է ՄԻՆՉԵՎ ՓԵՏՐՎԱՐԻ 20-Ը



Փոքր եւ միջին ֆերմերները, որոնք, ինչ-ինչ պատճառներով (օրինակ, ֆերմերը ագրոքարտը չի ստացել, քանի որ իր հողամասը գրանցված չէ, բայց հետո այն գրանցել է մինչեւ 2020 թվականի դեկտեմբերի 31-ը), 2020 թվականին ֆինանսական աջակցություն ստանալու նպատակով, չեն դիմել «Գյուղատնտեսական նշանակության հողերի սեփականատերերի խրախուսման» պետական ծրագրի շրջանակներում ագրոքարտ ստանալու համար, կկարողանան դիմում ներկայացնել մինչեւ 2021 թվականի փետրվարի 20-ը:

Ագրոքարտերի վավերականության ժամկետը, որոնք տրվել են իրականացվող ծրագրի ընթացքում, լրանում է այս տարվա մայիսի 20-ին:

Տվյալ ծրագիրը վերաբերում է միայն այն ֆերմերներին, ովքեր իրենց հողամասերը գրանցել են Անշարժ գույքի ազգային ռեեստրում, ինչպես նաեւ գրանցվել են Գյուղատնտեսության նախարարությանն առընթեր ֆերմերների հատուկ ռեեստրում: Ֆերմերները կարող են ստանալ ագրոքարտերը «Լիբերթի բանկ»-ի մասնաճյուղերում:

«Գյուղատնտեսական նշանակության հողերի սեփականատերերի խրախուսման» ծրագրի իրականացումը Վրաստանում սկսվել է 2020-ի գարնանը՝ Շրջակա միջավայրի պաշտպանության եւ Գյուղատնտեսության նախարարության «Հոգատարություն գյուղի, ֆերմերի նկատմամբ» հակաճգնաժամային ծրագրի շրջանակներում: Ծրագրով նախատեսված են ուղղակի պետական սուբսիդիաներ այն ֆերմերներին,

ովքեր ունեն 0,25 հեկտարից մինչեւ 10 հա հողամաս՝ տնկանյութեր, պարարտանյութեր, բույսերի պաշտպանության եւ խնամքի ապրանքներ ձեռք բերելու, ինչպես նաեւ (սա վերաբերում է 10 հա հողամասի սեփականատերերին) գյուղատնտեսական աշխատանքների վճարման համար: Այս ծրագրի շրջանակներում պետական սուբսիդիաների չափը մեկ հեկտարի դիմաց 200 լարի է (60,4 ԱՄՆ դոլար) մեկ հեկտարի հաշվով (առավելագույնը՝ 2000 լարի/604,2 դոլար): Փոխանցված գումարն արտացոլվում է ֆերմերի ագրոքարտի վրա միավորների տեսքով՝ 1 միավորը = 1 լարի (0,3 դոլար): Այս ագրոքարտով նա մասնագիտացված խանութներում վճարում է զնված ապրանքների եւ ծառայությունների դիմաց:

«Գյուղատնտեսական նշանակության հողերի սեփականատերերի խրախուսման» ծրագրից մինչ օրս օգտվել է շուրջ 246 հազար ֆերմեր: Պետության կողմից փոխանցված գումարները կազմել են ավելի քան 32 միլիոն լարի (9,7 միլիոն ԱՄՆ դոլար):